

第十一冊

雜志上

卷二十八

古蹟 勝境

卷二十九

冢墓 坊表

元江志稿

陳榮昌題

元江志稿第十一冊細目

雜志上

卷二十八

古蹟

勝境附

卷二十九

冢墓

坊表

元江志稿卷二十八

雜志

弁言

輿地建置文教武備物曲人官既各分類以志之矣其不能歸於各類又不能獨標一類者形形色色凡足以備博物之參攷興後人之觀感者亦不可缺焉弗載也元郡雖處荒服然自漢唐以迄於今天時人事迭有變遷山林泉石亦多佳趣名物勝境悉當加意保存封樹坊碑皆見先民鑒鑒他若琳宮梵刹任二氏信教以自由文苑談叢均足供輶軒之採訪既闕歷史允宜搜羅匪特此也地廣物博品彙繁賾光怪

元江志卷之十
陸離不少奇幻刪其荒誕不編輯其足擴聞見者博雅君子
諒亦樂道然則古蹟名勝冢墓坊表與夫寺廟菴觀及軼事
異聞之紀又烏可以從略耶彙爲一志是亦拾遺補闕之微
意也志雜志

古蹟 雜志之一

元隸版圖最後古蹟絕少自唐南詔以來廢置遺址尙有可稽者他如江山留高人之跡文字備掌故之學雖無關於政教當亦博雅者所不廢也爲備列之而以勝景附焉

那氏廢城

採訪有三一爲甘莊城見舊州志詳建設志一在今城北三里禮社江上一在縣東北龍池村西

楯墨雜俎那氏廢城在龍池村西三里許倚山帶水平原四圍城中足容千餘家洵元江右臂也相傳元大德間那氏築土城於元江因築小城於茲以爲東北門戶并爲眷屬避暑地明末永曆帝幸元吳三桂率兵進攻那氏守土城抗之爭戰累月卒

以寡不敵衆棄土城退守元江由是而坵墟而園圃者三百年
於茲矣撫今追昔不禁有故宮禾黍之歎然觀其四圍頽垣猶
高廣丈餘濠亦深廣相等亦可想見那氏當日之雄風焉今耕
鑿城內外者時掘得三四觔重礮彈父老指爲三桂克土城時
利器是三桂土城之克亦煞費心力矣况那氏尊王抗吳非土
酋逆命可比安得以螳臂小之哉特誌之以補史志之缺

步日廢部

詳建設志沿革

馬龍廢部

詳建設志沿革

奉化州廢城

詳建設志城市

蒙氏南嶽

詳地輿志山川類劉達武有蒙氏南嶽攷

考曰唐時蒙詔異牟尋僭封五嶽四瀆所在不遠千里亦夜郎王漢孰與我大意耳五嶽者中嶽點蒼山在今大理縣治西即漢書所謂如扶風太乙者東嶽絳雲霧山在祿勸縣東北即秦記所謂烏櫟是西嶽高黎貢山在騰衝潞江之間北嶽玉龍山在今麗江縣西北二十里其南嶽爲蒙樂山馮甦慎攷謂卽景東府北之蒙樂山考滇掌故者咸辨其誣蓋滇考一書其名似乎與記實則紀事本末之於山川沿革率皆削畧如四瀆中之黑惠江爲漾濞上游亦不之考是其明證余以戊午供職元江嘗於勸學所內見有清康熙時掘得古南嶽臺下銅礮數尊重量均四五百觔無欸識詢知臺址舊在縣西南三十里之我

元江志和 卷十八
崑山巔繼又聞太平山麓有古南嶽廟竊意蒙氏南嶽必在茲
崑因遠之間乃折閱舊州志古蹟山川諸類於蒙嶽一字弗及
詢之士夫則云蒙樂在景東境內去元尙遠蓋元人未知縣西
十里之自樂山爲蒙氏南嶽者數百年於茲矣甚矣舊志之陋
也考自樂山原名目樂山目與蒙爲音之轉與自爲形之變訛
目樂爲自樂猶昆彌訛爲昆明目則訛爲蒙自之類明一統志
稱自樂山懸崖峭壁凡二十四峯狀若崆峒蒙氏封爲南嶽自
樂即蒙樂旣訛蒙爲目又訛目爲自也雲南通志於景東蒙樂
山力辨恩樂縣志之誤謂二山不能牽合滇海虞衡志稱蒙樂
山有石洞深不可測與舊州志所謂自樂山下有蛟伏於洞內

者亦合觀此則自樂之爲南嶽已無疑義余嘗登寶山遠望義
崑彌陀老武無量瓦納九龍太平自樂諸山自哀牢西南蜿蜒
而來峯巒疊起遙峙屏列誠有如一統志所云狀若崆峒者而
自樂獨巍然拔出於諸峯之上元江舊志稱爲郡治鎮山與舊
通志稱爲二十四峯之主山豈無以哉當時蒙氏旣城甘莊於
嶽北復置礮位於嶽西所以示威諸夷也厥後土人附近築臺
建廟故亦以南嶽氏之然則考之輿志證之地望參以字之形
聲與夫近時發見之古蹟蒙詔之所封禪不昭昭乎而舊州志
絕不紀載其事遂致景東以蒙樂之名纂南嶽之實而元人又
改曰樂爲自樂以避之喧賓奪主因名失實久爲山靈竊笑之

矣余爲此篇俾後之談蒙段河山者有攷焉

南嶽臺

舊州志在城南三十里峩嵒山頂久廢今其基礎尙有

存焉相傳康熙間土人於其處常見有大象四忽又不見疑其下有金掘之得大銅礮四座以子樂試之炸破一座其一座用塑佛像現存二座在南門卡房內

採訪古銅礮二尊今移置

上寺廟內

石亭

古今圖書集成在城北十五里溫泉上林木蓊鬱峭壁插

天郡內奇觀

採訪今圯

羅槃書屋

臺陽隨筆滄海遺珠集中有羅槃書屋七古一章詞

旨俊逸袁樹五先生嘉穀謂其尤關滇中掌故而書屋訖不知

所在考元江州志城東之玉臺山古名羅槃山元江舊爲羅槃
部當以山得名也其山矗峙禮社江上古刹幽林久擅一邑之
勝清初馬悔齋先生曾築玉臺精舍其上名流題詠甚多觀羅
槃書屋詩起句云羅槃山色連青冥羅槃花開春滿城則書屋
當以羅槃山得名而羅槃書屋之在元江無疑矣惟爲誰氏讀
書之室今無從考然細繹結句或是幕遊者買山於此耳詩爲
明王景彰作景彰括蒼人

詩云羅槃山色連青冥羅槃花開春滿城邇來文軌遍南服構
得書屋山之垆中有牙籤三萬軸隸古漆書聯汗竹琬琰新收
漢石經翼序亦開唐白鹿要將禮樂化殊方夜深絃誦聲琅琅

元江志 卷十八
已聞文翁教岷蜀此邦更在岷之陽岷山之水向南流織女機
絲涵素秋豈徒風氣開太樸終看德化齊中州羅槃書屋世無
有今度有書垂不朽不是蓮花幕下賓安得文光貫南斗

永曆帝駐蹕處

採訪在城西南二十里天寶山上今爲大明庵

清順治十六年明永曆帝奔緬甸繞道出元江時土知府那烈
愍公嵩供奉甚謹以治城炎瘴適天寶山佛院落成迎帝駐之
又於庵側建茅屋數十間以棲扈駕者帝去卽名其庵曰大明
今庵旁村落則當日誅茅地也庵後舊爲石室歲久就圯至民
國七年陳高氏重修之劉達武題曰曇廬并有赴黃礪汝大令
招飲曇廬詩

詩曰爲訪量廬並轡行林泉勝處賦閒情歡逢叔度消塵障潦
倒伯倫鬪酒兵新月窺人嬌欲語飛花墮地悄無聲人心今日
猶思漢閒聽山翁說永明

許總兵成仁處

臺陽隨筆

元江縣立高小學校舊爲梓潼觀校

外蓮池廣數十畝中通一徑蓮盛開時雅足游觀戊午夏余監
視高等小學生畢業試散步池湄見碑一方中書前明總兵許
名臣成仁處旁注事蹟末書民國三年滇督蔡錫立石其旁注
與袁樹五先生所記遺事多有異同且是時蔡公已離滇北上
蓋好事者借託之爲也按名臣字見還石屏人少任俠有大志
當永曆西播時憂爲吳三桂所逼思立犄角勢以牽制之歲癸

卯起義兵於屏永曆聞之大喜授之職曰懷德將軍三桂兵至
臨安名臣懼弗敵西出元江與土知府那嵩合三桂兵又至嵩
敗死之名臣匿身觀內蓮池底以蓮幹通呼吸三桂兵索之不
獲見池水煦沫也擊以戈有血浮出窮之名臣傷且殉矣故余
蓮池曲有云蓮幹通呼吸一息存國脈天命不可回池底畢臣
節或謂名臣殉國時在順治十六年十二月二十八日蓮盛於
夏冬杪不得有幹不知元之氣候甚殊蓮葉至冬不彫况幹爲
難腐物耶

貼金石

明一統志在城西風伯雨師壇有石凡五土人皆貼以
金遇旱雨必禱於此松柏茂鬱若仙境然

蛟洞

舊州志在城西十里自樂山下洞伏蛟龍每鼓波沿河壞

民稼郡人刀代挾利劍斬之洞內怪石玲瓏奇巧萬狀雍正年間大雨沙石填塞洞口 **採訪**民國七年劉達武爲立石洞旁曰元江路總管刀代斬蛟處

犀牛潭

舊州志在城南百里普漂村下禮社江上有火光燭天相傳犀牛潛伏其下又云蛟龍居之岸上崖高數十丈瀑布飛流土人欲引溝開水忽聞洞內金鼓之聲江水沸騰數丈山爲之動驚駭而止

蓮花塘

古今圖書集成在青龍廠山下周圍三百餘丈池內產青紅白三種蓮花**採訪**清中葉有地師某令山蘇夷人卜宅池

上每蓮盛開彩葩照耀夷宅其家隆隆日起地師目因失明夷優遇之後以僅富而弗貴禮意浸衰至使之舂地師復獻言曰若決蓮池貴可暴至矣夷如其言池涸而其目復明今池荒蓮絕種矣

黑龍潭

舊州志在城南八十里普貴村有黑龍伏其中眇一目魚鰕皆眇四面林木陰翳葉落潭中綠鳥即飛啣去或用釣取魚雷雨交作

太極池

舊州志在城北江上平地突起小山形如覆盆半石半水左右兩眼如太極四時不竭

元岡異石

古今圖書集成在三江水匯處週圍丈餘每月三現